

Mazarin
2530d

Le Nocturne enlevement du roy...

UNIVERSITY OF N.C. AT CHAPEL HILL



00023003278

**RARE BOOK
COLLECTION**



**THE LIBRARY OF THE
UNIVERSITY OF
NORTH CAROLINA
AT
CHAPEL HILL**
Mazarin
2530d

LE NOCTURNE
ENLEVEMENT
DU ROY

HORS DE PARIS;

FAIT

PAR LE CARDINAL MAZARIN;

LA NVICT DES ROYS.

EN VERS BURLESQUES.



A PARIS,

Chez PIERRE LE CHAMPENOIS, en la
boutique proche la Samaritaine.

M. DC. XLIX.



L'ENLEVEMENT DV

Roy hors de Paris.

IE veux chanter, sans prendre haleine,
 Non le raiſſement d'Heleine,
 Non le rapt de ce beau garçon:
 Qui ſert à Iupin d'Eſchanſon,
 Non l'enleuement d'Orythie

Par vn ſouffle de la Seythie;
 Non celuy de Nymphé Europa,
 Qu'en vain ſit chercher ſon Papa:
 Non celuy-là de Proſerpine,
 Dont Ceres ſit ſi griſemine

A Mademoiſelle Venus,
 Sale Princeſſe des culs nuds;
 Ie ne pretends pas non plus dire,
 Qui iadis raut Deianire.

Tous ces raptz, & raiſſemens
 Sont de vieux diuerſſemens:
 Et ne voudrois prendre la peine
 De les chanter que par douzaine
 Pour faire trêve de ſuſpens.

Celuy que chanter ie pretens,
 Et qu'en mon eſprit ie rumine,
 Eſt vn rapt à la Mazarine.
 Rapt qui ſit du bruit à Paris,
 Plus que le rapt que ſit PARIS,
 N'en ſit dans la fameuſe Troye,
 Qu'Achille pluma comme vne oye.
 C'eſt vn rapt de cette façon,
 Que vous veut dire ma chanſon.

A ij

944.03
 M475m

Mazarinade, no. 2570

872333

Variant

s. Mars

La mode en est des plus nouvelles,
 Et ne commença qu'aux estoilles
 La nuit de la Feste des Rois,
 Il y eut Vendredy deux mois.
 Muse qui sçais toute l'histoire,
 Repasse vn peu dans ma memoire
 Le Martial euenement
 De ce grotesque enleuement.
 Dis-moy quels motifs Italiques,
 Ou pour mieux dire, tyranniques,
 Induisirent le Cardinal
 A faire à Paris tant de mal;
 Et pour quoy pourpre Mazarine
 Luy interdisit la farine,
 Le vouloit-il faire ieusner
 Auant que de luy pardonner?
 Asseurement que ce Ministre,
 Autheur d'inuention sinistre,
 Pour le punir de son rebec,
 Le vouloit prendre par le bec.
 Ne ments point, ma chere Camuse,
 Crois-tu que ce fust la sa ruse?
 Dis-moy si i'ay bien deuiné
 De me l'auoir imaginé?
 A ce mot ie te voy soûrire,
 Sans doute que tu vas le dire,
 Mais au moins ne me trompe pas,
 Et garde de faire vn faux pas.
 Raconte moy bien, quelle mousche
 Picqua cet animal farouche,
 Et fit que Paris cette fois
 Celebra de si tristes Rois.
 Obserue sur tout vn bon ordre,
 En me racontant ce desordre,

Et

RBC/MCU

Et reprens ta gaillarde humeur,
Pour bien chanter cette rumeur.

Depuis le iour des Barricades,
Où l'on fit maintes algarades

A vaillans & braues Guerriers,

Qui combatoient pour Financiers :

Financiers, qu'on nomme sangsuës,

Pour parler en termes de ruës,

Pestes d'Estat, chiens de voleurs,

Maltoutiers, & monopoleurs.

Du depuis, dis-je, que nos Bardes

Repousserent soldats des Gardes,

Qui de tous costez assaillis

Gagnerent bien-tost le taillis.

Et par la force de leurs armes

Donnerent d'estranges alarmes

A nostre pauvre Chancelier,

Fort esloigné de son pallier,

Ce qui fit, nonobstant sa suite,

Que PETRVS gagna la guerite

Pour se mettre à l'abry du vent

Qui souffloit derriere & devant,

Formant en l'air vne tempeste,

Dont le choc eust brisé sa teste,

S'il n'eust bien tost gagné le bord

Pour se refugier au port;

Au port, s'entend au domicile,

Où logeoit Prelat de Sicile,

Qui plus passe qu'un trespasse

De tout ce qui s'estoit passé,

Receut ce compagnon d'office,

Eschapé d'un grand sacrifice,

Qu'il pensa faire (ce dit-on)

Au Dieu, qu'on appelle Pluton,

Quoy qu'en vne telle espouuante
 Il eust fait (bien qu'il ne s'en vante)
 De ses pechez confession,
 Et receu l'absolution.

Enfin depuis que nos Megeres,
 (C'est à dire nos Harangeres)
 Firent si bien que sans appel
 On rendit Monsieur de Broussel,
 Qu'on auoit de chez luy par force
 Enleué dedans vn carosse,
 Et transporté dans certain lieu
 Pour se confesser au bon Dieu
 De toutes ses fautes passées,
 Tant en paroles qu'en pensées,
 Car, pour en franchement parler,
 Breuage il deuoit aualer,
 Mais breuage qui de manière
 Conduit tout droit au Cimetiere,
 Et par la vertu de ses eaux
 Garantit l'homme de tous maux.

Le rouge Prelat de Sicile
 Songea deslors à faire gille,
 Voyant qu'à Paris quelque iour
 On luy joueroit vn mauvais tour
 En effet ce faiseur de sauces
 En peu de temps tira les chausses,
 Et sans trompette ny tambour
 Fit sortir de Paris la Cour.
 Mais se voyant à la campagne
 Sans les troupes de l'Alemagne,
 Qu'il pretendoit faire venir,
 Pour se venger, & nous punir,
 Son esprit fertile en malice,
 Invente alors vn artifice,

Et par vn petit compliment
 Enjolle noltre Parlement.
 Il accordera toute la bande
 Ce que la Iustice demande,
 Et, couurant de cendres son feu,
 Fait bonne mine à mauuais ieu:
 Leur dit d'une façon ciuile,
 Que le Roy veut rentrer en ville,
 Et que sans faute Samedy
 Il y sera sur le midy.
 Pour ce coup il tint sa promesse,
 Et ramena Maistre & Maistresse,
 Afin que par vn second dol
 Il en fist derechef le vol.

Depuis ce iour vn mois se passe,
 On ne parle plus de disgrâce,
 Et l'on ne void dedans Paris
 Par tout que matiere de ris.
 Le fameux Hostel de Bourgogne
 Reprend de nouveau sa besogne,
 Et le Theatre du Marais
 Se veut encore mettre en frais
 Pour nous faire voir les merueilles
 De ses machines nonpareilles,
 Et nous donner au Carnaval
 Vn plaisir qui soit sans égal.
 Tout parle de resiouyffance,
 De Bals, de Balers, & de dance,
 Et l'on espere deormais
 Les fruits d'une profonde paix.
 Mais ce n'estoit pas l'esperance
 De la Mazarine Eminence,
 Qui nous fit voir en peu de temps
De bien contraires passetemps.

Pendant qu'on songe aux Comedies,
 Il prepare des Tragedies,
 Mais Tragedies tout de bon,
 Qu'on ne vid iamais à Bourbon.
 Il fait par sous main de Pologne,
 De Flandres, & de Catalogne,
 Tirer toutes les garnisons,
 Pour venir piller nos maisons.
 Il fausse sa foy, sa parole,
 Il reestablit le monopole,
 Fait tous les iours emprunts nouveaux
 Ennoye Mulets & Cheuaux
 Chaque soir par diuerse porte,
 Et se rit de nous de la sorte.
 Toutesfois sage Parlement
 Vid bien qu'on faussoit son serment,
 Qu'on ne tenoit pas sa parole,
 Et qu'on leuoit mainte pistole:
 Mais comme il est de douce humeur,
 Il n'en fit pas grande rumeur.
 Il fait seulement quelque plainte,
 Dit que le peuple a de la crainte,
 Et murmure qu'aux enuiron
 On retire des garnisons:
 Que l'on desgarnit les frontieres,
 Et des villes toutes entieres,
 Pour venir fondre sur son dos,
 Et sangler les pauvres Badauts,
 Que desia l'on void dans Pontoise
 Maint Bourgeois fort mal à son aise,
 Des rauages, & des degats
 Que font chaque iour les soldats,
 Qui ne receuans point de montre,
 Pillent tout ce qui se rencontre,

9
Et viuent à discretion,
Ou plustost à profusion.
Que cela donne de l'ombrage
Aux esprits, qui craignent l'orage;
Et qui dans l'apprehension
Pourroient faire sedition.
Nonobstant telles remonstrances
Des Parlementaires puissances,
Nostre Prelat, matois & fin,
Ne cesse de tendre à sa fin,
Et fait tant par ses tours obliques,
Et par ses ruses diaboliques,
Qu'il amuse tout le troupeau,
Dont il vouloit auoir la peau,
Luy promettant monts & merueilles
Pour le prendre par les oreilles,
Et le mener si rondement
Qu'il ne soufflast pas seulement.
Il resolut donc en luy-mesme
De luy faire faire Caresme,
Mais Caresme qui dure plus,
Que ces gros Caresmes joufflus,
Qui finissent le iour de Pasques,
Estans saouls de viandes de Caques.
Caresme, qui fort proprement
Se nomme ieusne seulement.
Tel que celuy de la Rochelle,
Qui mangea toute sa chandelle;
A fricasser friands morceaux
De carosses & de cheuaux.
Et, qui n'ayant plus dequoy frire,
N'eut plus aussi sujet de rire,
Ains aussi-tost quitta le dé,
Et vint doucement à lubé.

Il en pensoit faire de mesme,
 Par le moyen d'un tel Careme:
 Mais le pauvre sot est trompé,
 Et son Careme est attrapé:
 Mardy gras a donné taloche
 Dessus sa mourante caboche,
 Et d'un coup d'absolution
 Luy a sanglé le croupion.
 Muse, laissons les là se battre,
 Et faire les diables à quatre.
 Retournons à nostre Prelat,
 Qui va faire son attentat.
 Desia la sombre nuit approche,
 Il s'en va mettre chat en poche,
 Et faire un tour de son mestier
 Plus subtilement que Cormier.
 Qu'il va bien tailler des croupieres
 A des gens qui n'y songent gueres.
 Je veux qu'on me dague le sein,
 Si quatre scauent son dessein.
 Fais moy donc jallir de ta veine
 Non pas quelque demie douzaine,
 Mais quelque centaine de Vers,
 Pour bien décrire le reuers,
 Dont Mademoiselle Fortune
 Renuersa Ministre nocturne,
 Qui dans la faueur de la nuit
 S'eschappa de Paris sans bruit.
 Phœbus le grand falot du monde
 Estoit encourtiné de l'onde,
 Et le vieux penard de Tithon,
 Baisoit encore le teton
 De la Cephalienne gouge,
 Dont la couleur est toujours rouge.

Lors que Prelat Sicilien,
 Sans au Senat en dire rien,
 Apres que toute la canaille
 Eut fait à qui mieux mieux ripaille,
 Parce qu'il estoit cette fois
 Veille d'une Feste des Roys,
 Nous enleua, comme vne Parque,
 Louys nostre petit Monarque,
 Que tout Paris tant regretta,
 Deslors que Prelat l'emporta,
 Qu'à present il regrette encore,
 Tant il l'ayme, & tant il l'honore,
 Et que tousiours regrettera,
 Tant qu'esloigné de luy sera.
 Il raut donc ce pauvre Prince,
 Du centre de nostre Prouince.
 A vray dire, en cette action
 Il eut grande discretion;
 Car la chose fut si secrette,
 Qu'on n'ouyt tambour, ny trompette.
 De la grande peur qu'il auoit
 D'esueiller le chat qui dormoit.
 C'estoit auoir, en conscience,
 Vne profonde reuerence,
 De ne vouloir mal à propos
 Troubler des voisins le repos.
 Il ne fut pas fort la ville,
 Qu'incontinent rumeur ciuile,
 Quoy qu'à peine sceust-on le tour;
 S'espand au quartier d'alentour;
 Quelque Bourgeois dans ces alarmes
 Commence de crier aux armes;
 Mes amis, nous sommes perdus,
Le Cardinal nous a vendus.

Qu'on ferme promptement la porte,
 Et qu'on y plante vne cohorte,
 Il faut refuser tout à plat
 De laisser sortir chien ny chat.
 Si l'on espere, apres gogaille,
 Nous prendre comme rats en paille,
 Faut aussi que Seigneur soient pris,
 Qui sont encore dans Paris.
 Il n'est point de meilleur remede
 Dans le mal-heur qui nous possede :
 Le reconfort des mal-heureux
 Est d'en voir quantité comme eux.
 Sus donc, que dans vn tel orage,
 Vn chacun s'arme de courage,
 Et prenne Harquebuze & Mousquet,
 Sans dauantage de caquet.

Aussi-tost l'on prend la rapiere,
 Le Mousquet & la Bandouliere,
 Et sont tous ces nouueaux Soudarts
 Plus superbes que des Césars.
 Preux & vaillans de telle sorte,
 Ils se saisissent de la porte.
 Ferment serrures & verrous
 Barricadent bien tous les trous;
 Et mettant serpentín sous mesche,
 Se preparent à faire bresche,
 Au premier, qui malgré leurs dents,
 Voudront s'eschapper du dedans.
 A voir la rage & la furie
 De la nouuelle Iacquerie,
 On eust dit que du Coutelas
 Elle alloit mettre tout à bas.
 De fait, elle tint son courage,
 Car aussi-tost vint du bagage,

Pour

Pour s'en aller à S. Germain,
 Auquel on coupa le chemin.
 Les plus hardis de la canaille,
 Se jettent d'estoc & de raille
 Sur le dos du pauvre Cocher,
 Et le font du Char trébucher
 Plus hardiment que le tonnerre
 Dont Iupin renuerfa par terre
 Vn mauuais Cocher (ce dit-on)
 Que l'on appelloit Phaëton.
 Les autres grimpent par les rouës
 Sans craindre ny crottes, ny bouës,
 Et pillent meubles arrangez,
 Comme des Tygres enragez;
 L'un se boillüe la caboche,
 L'autre mainte pistole empoche:
 Celuy-cy peste, en enrageant
 De ne pouuoir auoir d'argent,
 Et se rejette de plus belle
 De cul, de teste, & d'escarcelle,
 Vous casse, par maint chinfreueau,
 De son compaignon le museau;
 On presse, on se pousse, on se hoche,
 Au plus fort est tousiours la poche,
 Tel a de l'argent à foison,
 Qui s'en va vuide à la maison.
 Bref, telles mains, & telles pattes,
 Mains, qui sont fort peu delicates,
 Firent du bagage de Cour
 Inuentaïre, qui fut fort court.
 Quelque temps apres ce pillage,
 Vint, en assez bel attelage,
 Vn carrosse à quatre cheuaux,
 Qui fut deschiré par morceaux;

Il estoit à certaine Dame,
 A qui l'on chanta bien sa game;
 Quoy que Dame ne fust de Cour,
 Ains de certain lieu d'alentour.
 Le plains fort son fort misérable,
 Car la Dame estoit honorable,
 Et malgré sa modeste humeur,
 Elle monstra là son honneur.
 On la déchire, on la dépouille,
 Les Fruictieres luy chantent pouille,
 L'appellent Dame au cul eroté,
 Tout son magot est emporté,
 Bestes & gens sont mis en proye,
 Tant grosses pieces, que monnoye,
 Tout est sans mercy, ny pardon,
 Du Peuple mis à l'abandon:
 Il n'est pas iusques à la frange,
 Qui traîne au milieu de la fange,
 Et chacun grippe son morceau
 Quoy que foule dans le ruisseau.
 Iamais Loups de la Barbarie
 Ne se ietterent de furie
 Sur le dos de pauvre brebis
 Comme ces mangeurs de pain bis.
 Ny soupirs, ny sanglots, ny larmes,
 N'esmeurent ces nouveaux Gens d'armes,
 Et si subite affliction
 Ne leur fit point compassion.
 Ils coururent ces belles iouës
 De frequentes plaques de bouës:
 Et sur ce beau corps patrouillé
 Iouèrent au Roy despoillé.
 Voyant continuer l'audace
 De la cruelle populace,

Quelque Bourgeois à cœur humain
Commence à prendre picque en main,
Sort des plus fameuses boutiques,
Fend le gros, à grands coups de picques,
Retire en mesme temps des coups
Dame, qui n'auoit plus de poulx,
Et qui d'une douleur si forte
Estoit, pour le moins, demy-morte,
Bref, la fait porter promptement
Dans vn bon lit, bien chaudement.
Depuis ce choc ie ne sçay mie,
Si la Dame est encore en vie:
Mais qu'elle soit en vie, ou non,
Ie vay pourfuiure tout de bon.

Le bruit de telles pilleries,
Qui n'estoient pas des railleries,
S'espandit de tous les costez
Dans les lieux les plus escartez.
Plus cette ciuile tourmente
Se iette loing, plus elle augmente,
Et d'un tel bruit, chaque animal
Veut discourir qui bien, qui mal.
L'un dit d'une façon l'affaire,
L'autre la dit tout au contraire,
Ainsi deux differents parleurs
Sont deux differents ambaleurs.
Mais laissons parler la canaille,
Qui ne dit iamais rien qui vaille:
Et voyons si dans le marché
Le pain s'y donne à bon marché.
Boulangers de pain de Gonesse
Y sont au bout de leur finesse,
Voyans qu'un millio de mains
Grippent de tous costez leurs pains.

Ils ont beau crier patience,
 Chacun se moque d'audiance,
 Et sans entendre de raison
 Veut mûrir de pain sa maison.
 Tel, qui n'auoit appris de prendre
 Que pour trois iours de ce pain tendre,
 Eut si grand' peur, que cette fois
 Il en prit pour deux ou trois mois:
 Chaque Bourgeois vuida sa bourse,
 Fait chez luy matorre, & mainte course,
 Et reuint plusieurs fois querir
 Dequoy l'empescher de mourir.
 M. dame la grosse Bourgeoise,
 Qui reposoit fort à son aise,
 Et ne se hastoit pas si fort,
 Pour laisser passer le plus fort,
 Alors se trouua bien camuse,
 De voir que (nenny ie m'abuse)
 Elle eut vn demy pied de nez,
 Pains estoient desia destournez.
 Boulangers, qui de leur demeure
 Ne sortirent de si bonne heure,
 Que leurs Confreres & Cousins,
 Compagnons, amis, & voisins,
 Et qui furent plus tard en Ville,
 Où se formoit guerre Ciuille,
 N'eurent pas le temps de venir
 De leurs pains nos Halles fournir.
 Chacun dès la premiere ruë
 Sur charette de pain se ruë,
 Et voudroit auoir trente mains
 Pour enleuer autant de pains.
 Iamais en pareille tempeste
 Pains ne furent à telle feste.

Et ne croy pas que deormais
Pains y soient encore iamais.
Car à pains on rendoit hommage
De grand cœur, & de grand courage,
Et tel sembloit les deuorer,
A force de les honorer.

Enfin quand toutes les charettes
S'en retournerent toutes nettes,
On eut recours au pain bourgeois,
N'en trouuant plus de villageois.
On va de boutique en boutique
Personne d'honneur ne se pique,
Et l'on y voit le Partisan,
Tout de mesme que l'Artisan.
Là le Loup, avecque la Louue,
Arrache tout ce qui s'y trouue,
Et deuore iusqu'au pain bis,
La Manne des pauvres brebis :
Fait de paroles grande chere
A Madame la Boulangere,
Et luy iette sans marchander
Tout ce qu'il luy plaist demander.
Ces liberalitez si grandes
Font que mes Dames les Marchandes,
Dont chacun brigue l'amitié,
Encherissent pains de moitié :
Et rembarrent ceux, dont la langue
Leur veut faire quelque harangue,
En se plaignant de la cherté
De leur trop grande liberté.
Cherchez ailleurs ? (ce disent-elles)
Je n'aymons pas tant de querelles,
Cà, ça, redonnez-nous ce pain,
Aussi bien n'avez-vous pas faim :

S'il ne vous duit, c'est pour vn autre!
 Vraman vous este vn bon Apostre;
 Et vous auez bonne raison!
 De pester en nostre maison!
 Allez ailleurs faire vacarme?
 Vous mettriez chez nous l'alarme!
 Ainsi ces mutins chaperons,
 Troussiez comme des potirons,
 Vous rendant muet vn pauvre homme,
 Font si bien qu'il paye la somme,
 Qui les faisoit mettre en courroux,
 Et l'obligent à filer doux.

Si vendeuses de pain sont cheres,
 Aussi le sont Dames Boucheres,
 Et rançonnent les pauvres gens,
 A peu près comme des Sergens,
 Qui font crier misericorde
 A ceux qui meritent la corde.
 Chacun dit, c'est vne pitié!
 Tout est enchery de moitié!
 Et faisant triste, & noire mine
 Commence de crier famine:
 Ceux qui d'entr'eux sont plus peruers
 Iurent à tors, & à trauers,
 Et ne scachans à qui s'en prendre
 Disent tout haut qu'il faudroit pendre,
 (Mais, grotesque Muse, tout beau,
 Tout cela n'est ny bon ny beau;
 Ne discourons pas dauantage
 De l'insolence de leur rage,
 Il n'est pas temps de parler gras,
 Nous auons passé Mardy gras.)
 Allons faire vn tour dans les Halles,
 Quoy que d'ordinaire fort sales,

Tant de crottes, que de bons mots
 Tirez du langage des Goths,
 Dont Megeres pleines de bouës
 Se donnent souuent par les iouës,
 Et voyons de quelle façon
 On se iette dessus le son.
 (S'entend son meslé de farine,
 Qui garde l'homme de famine;
 Car son ne pourroit autrement
 Luy donner grand soulagement.)
 Desia l'on y court à la foule,
 Desia l'un sur l'autre se roule,
 Et serre iusques à tel point
 Le modele de son pourpoint,
 Qu'il se fait peter la bedaine,
 Et pasme d'une courte haleine.
 Là Meusniers voyent qu'à leur tour,
 Chacun leur vient faire la cour:
 Mais cette gent peu debonnaire
 D'abord enuoye faire faire
 Ceux, qui par leurs trop longs discours,
 Ou qui, par leurs tours & retours
 Esperent gagner quelque chose
 A force de plaider leur cause:
 Ce bestail reuefche & testu
 N'en relasche pas vn festu:
 Et ne croy pas qu'en tel desordre
 Le Diable luy fist rien demordre
 De ce qu'il a dit vne fois,
 Il en faut passer par ses loix;
 Car tant plus il vend la farine,
 Tant plus on songe à la famine.
 Tout chacun voyant dans ce détail,
 Que le prix en croist à veüe d'œil.

Cette cherté les iâtimide,
 Rend l'un vif, & l'autre stupide,
 Selon les inclinations
 De leurs imaginations.
 Les vns sur l'aduenir se fient,
 Les autres de tout se deffient,
 Et disent que c'est le plus seur.
 De se garnir pour le futur:
 Que la guerre Parisienne
 Est pour estre de longue haleine,
 Qu'on ne va pas à S. Germain
 Pour reuenir le lendemain,
 Lors que la nuit à l'eschauguette
 On fort sans tambour ny trompette.
 Quelqu'un, qui croit mieux raisonner,
 Dit qu'il ne faut pas s'estonner,
 Que toute cette eschauffourée
 Ne peut pas estre de durée,
 Et qu'on verra dans peu de temps
 A Paris de grands changemens.
 La rumeur (dit-il) est trop forte,
 Pour durer long-temps de la sorte,
 Et de mal-heurs vn tel excez
 Ne peut auoir vn long succez;
 Il s'en va fortir de la Ville
 Des hommes plus de trente mille;
 Si le premier iour de marché,
 Le pain est encore arraché.
 Ainsi gens de toutes volées
 Veulent dire leurs rateées,
 Là Sauetier, ou Crocheteur
 Veut faire le grand Sénateur,
 Vn autre de pareille estoffe
 Vous trenchera du Philosophie;

Et iuge des presens malheurs
 Comme vn aueugle des couleurs.
 Enfin tant Bourgeois que Canaille
 Parlent de guerre, ou de mangaille,
 Et vous en dit son sentiment
 Selon son petit iugement,
 Mais c'est trop demeurer aux Halles,
 Laissons-y Chaperons, & Cailles.
 Chapeaux de feutre, & Tapabords
 Se passer cent fois sur le corps
 Par leurs frequentes cullebutes,
 Et vuider toutes leurs disputes.
 Allons faire vn tour au Palais,
 Où se vendent Glands & Collets,
 Baudriers, Rubans, Esguillettes,
 Et quantité d'autres sornettes;
 Non pour acheter des bijoux,
 Car ce n'est plus le temps des fous,
 Outre qu'il est aujourd'huy feste,
 Et que l'auous martel en teste.
 Mais plustost pour sçauoir comment
 Sage Seigneur le Parlement
 Se prepare à mettre bon ordre
 A cét effroyable desordre,
 Et par certaine inuention
 Appaiser la sedition.

Toutes les Chambres assemblées,
 Non pas sans estre vn peu troublées
 De tels accidens inouys,
 Les Escheuins estans ouys,
 Rendent vn Arrest, lequel porte
 Qu'on fera garde à chaque porte,
 Aussi bien la nuit que le iour,
Que tous villages dalentour

Seront tenus (peur de famine)
 D'apporter à Paris farine,
 Et d'empescher que garnisons
 Se retirent en leurs maisons.
 Que Pretorienne Iustice
 Tiendra la main à la Police,
 Et taxera par mandement
 Les choses raisonnablement;
 Que pour ce faire, Commissaires,
 Qui sont comme ses Iannissaires,
 Seront chaque iour attachez,
 Dedans les Places & Marchez.
 Qu'Officiers de chacune porte
 Y tiendront iour & nuit main forte,
 A ce que Cheuaux, ny Mulets,
 Conduits par Maistres, ou Valets.
 Chariots chargez de bagages;
 Carosses escortez de Pages,
 Enfin, que ny rats ny souris
 Ne puissent sortir de Paris.

Voila ce que Iuriconsultes
 Pour pacifier les tumultes,
 Bruits, & desordres sans pereils,
 Ordonnerent par leurs conseils.
 L'Arrest se chante par la Ville,
 Et rend le peuple yn peu docile,
 Voyant qu'en cette extremité
 L'on trauaille à sa seureté.
 Aussi-tost chaque Capitaine
 Voit ce qui est de son domaine:
 Cherehe Porte-enseigne & Sergent,
 Qui ne luy coustent point d'argent:
 Fait battre promptement la Caisse,
 Chaque Bourgeois demande, qu'est-ce?

Et par le Tambour informé,
 Sort de son logis tout armé,
 Pour aller faire pied de grue
 Dedans la martiale rue,
 Où Capitaine du quartier,
 (Qui souuent sçait peu son mestier,
 Et n'entend en cas de milice
 Ny subtilité ny malice)
 A domicile retenu,
 Dont il paye le reuenu
 Pour honorer ce nouueau maistre,
 Chacun fait peter le salpestre,
 Lieutenant, Sergent, Caporal,
 Luy fait salve de General.

Ce Fierabras prend son espée
 Dans le sang humain non trempée,
 Son escharpe & son poiëtrinal,
 Pestant contre le Cardinal:
 Et, sa demie pique estant presté,
 De ses gens se met à la teste,
 Tenant en cette qualité
 Mieux qu'un Césard, sa gravité.
 Les Soldats au son de la Caïsse
 Deux à deux, comme chiens en laisse,
 Suiuent leur Chef, flancs contre flancs,
 Et vous tiennent des mieux leurs rangs.
 L'un d'eux en Espagnol se quarre
 Pousse l'un, dit à l'autre, gare.
 Celuy là trouffe son Chapeau,
 Celuy-cy leue le museau
 Pour exposer son nez en veüe
 De ceux qui passent par la rue:
 Bref, ces belliqueux Habitans
 Sont plus fiers que des Capitans.

Chaque martiale cohorte
 S'achemine vers chaque porte,
 Destache plusieurs de son corps,
 Les poste dedans & dehors,
 En qualité de Sentinelles
 Avec injonction mortelles
 De veiller, & ne branler pas,
 A peine de passer le pas.
 On fait, pour poser mainte pique,
 Corps de garde d'une boutique,
 Où nouveaux guerriers en repos
 Sement de differents propos
 Touchant cette nouvelle guerre.
 Non sans choquer par fois le verre,
 Attendant la succession
 De Camarade en faction.

C'est assez roder par la Ville,
 Voyons ce que rumeur civile
 Fait faire dedans les Faux-bourgs,
 Pour se garder des mauvais tours.
 L'on s'y retranche de futailles,
 Dont on fait de fortes murailles,
 Par la quantité de pavez
 Qu'on y met, comme vous sçavez.
 Il n'est ruelle malotruë
 Où sa chaisne ne soit tenduë :
 Et l'on fait planter des poteaux
 Dans celles qui font deux ruisseaux.
 Jamais Artisan dans sa vie
 N'alla d'ardeur, & de furie,
 A sa besongne plus content,
 Bref ne besongna jamais tant,
 Qu'il fit à ce bon iour de feste,
Iour, qui toute besongne arreste

Au moins l'arrestoit autrefois,
 Quand il estoit feste des Roys :
 Mais maintenant les temps aduiennent,
 Que quand telles festes suruiennent,
 On fait œuvre plus que iamais,
 Peur de n'en faire deormais.
 Ciseaux, maillets, & besaguës,
 Cies, dont les dents sont aiguës,
 Et cent mille autres instruments
 Idoines à retranchemens,
 Rendirent vn très-bon office
 A cette nouuelle milice,
 Qui n'espargnoit pas sa vigueur,
 Ains travailloit de tout son cœur.
 Femme, aussi bien que leurs masles,
 Noires, blanches, rouges & passles,
 Donnoient de leurs inuentions
 A ces fortifications.
 Les moins spiritualizées
 Auoient ailleurs d'autres visées,
 Et faisoient tresor de pauez,
 qui n'estoient pas trop bien lauez,
 Dont chambres furent ameublées,
 Et presque' entierement comblées,
 Crainte dans telle émotion
 De manquer de munition.
 Pour se garantir des Grenades,
 Dont les pepins sont incardates,
 Qu'aduesaires pourroient la nuit
 Ietter dans les maisons sans bruit.
 Les plus aduisez de ces braues,
 Font bouscher sôpiraux de caues,
 Trous, par où l'on iette fumiers :
 Canaux, que l'on appelle éuiers,

Et tout le reste des passages,
 Par où pourroient faire rauages
 Bombes & tels nocturnes feux,
 Que l'on nomme artificieux:

Cependant que ce populaire
 S'exerce dans l'art militaire,
 Et par ses belliqueux travaux
 Se munit contre les assauts;
 Lettre de Cachet apportée
 Aux Escheuins est présentée:
 On lit, on voit le contenu
 De ce mot d'escrit suruenu.
 Par iceluy Messieurs nos Princes;
 Et la Reyne de nos Prouinces
 Disoient, que quelques factieux
 Du Parlement seditieux.

Vouloient, par leur intelligence,
 A l'Espagnol liurer la France,
 Et faisoient sur leur Potentat
 Vn pernicieux attentat:

Que la chose estoit asseurée
 Et n'estoit que trop auerée.

Or qu'eux en estant aduertis
 Estoiend de la Ville sortis;

Voyans que Sceptre ny Couronne,
 Ny mesme du Roy la personne,
 Avec toute sa Maïesté

N'y estoit pas en seureté:

Qu'au reste ils ne pretendoient faire
 A la Ville mauuaise affaire;
 Mais auoient dessein seulement
 De chastier le Parlement.

Cette noble race des Gaules
 Leua plusieurs fois les espaules,

Reconnoissant l'intention
 De cette belle inuention.
 Et vid bien que lettre enuoyée
 N'auoit esté que copiée
 Sur vn mauuais Original
 Tiré de chez le Cardinal.
 En effet il estoit facile
 De voir que Prelat de Sicile
 Vouloit disioindre absolument
 Le Bourgeois & le Parlement,
 Esperant dans vn tel rauage
 Faire des mieux son personnage,
 Et iouir à discretion
 Du fruit de leur dissension.
 Mais Escheuins par leur prudence
 Changerent bien son esperance,
 Et cette Lettre de Cacher
 Ne les prit pas au tre-buchet.
 Dès qu'ils eurent fait la lecture
 De ce petit mot d'imposture,
 Ils le porterent au Senat,
 Qui trouua ce discours fort plat,
 Comme venant d'un Politique,
 Qui n'entendoit pas la pratique,
 Et sçauoit mieux l'art de gâgner,
 Que non pas celui de regner.

Mais comme il faisoit desia sombre,
 Et que chandelles en grand nombre
 Estincelloient au Firmament;
 Illustrissime Parlement
 Remit au lendemain l'affaire,
 Pour sçauoir ce qu'on deuoit faire,
 Ainsi chacun se separa,
 Et sous son toict se retira.

Cependant à chacune porte
 On fait garde de bonne sorte,
 Qui veut, entre; mais rien ne sort,
 Quand mesme il auroit passe-port.
 L'on entend sonner à toute heure
 Vn morbleu qui va la? demeure?
 Et tous ces illustres guerriers
 Sont fort vaillans sur leurs fumiers.
 Les vns se chauffent à leur aise,
 Du bois de la grosse Bourgeoise,
 Dont ils font sans cesse des feux
 Capables de rostir des bœufs:
 Cependant qu'à la belle estoille
 Leurs Compagnons font sentinelle,
 Qui dans leur apprehension
 Disent, avec émotion,
 Cent fois, Caporal hors de garde?
 Quelqu'un nous vient faire nazarde.
 Mais Caporal trouue souuent,
 Que ce quelqu'un n'est que du vent.
 Les autres boient à merueilles
 Le sang des pots & des bouteilles,
 Et les succent iusques aux os,
 Sans leur donner aucun repos.
 Ainsi la sombre nuit se passe,
 En vuidant maintes fois la tasse,
 Et l'Aurore d'un œil riant
 Ouurit les portes d'Orient,
 Pour laisser passer le trompette
 De la lumineuse broüette:
 Mais nos discours de qui va la,
 N'ouurirent les leurs pour cela:
 Sinon par certains intervalles
 Pour les provisions des Halles,

Qui

Qui seruent à faire repas,

A qui l'on ne refusa pas.

Voyant que le porte-lumière

Auancoit desia sa carriere,

L'Illustre Cour de Parlement

Se rassembla conjointement,

Pour faire deliberatiue

Sur le sujet de la Missiue:

Mais durant la longue action

De leur deliberation,

Autres Lettres sont apportées,

Qui ne furent descachetées.

Les Gens du Roy font seulement

Rapport à tout le Parlement,

Que par elles leurs Assemblées

A Montargis sont exilées.

De ce, Nosseigneurs estonnez

Se regardent long-temps au nez:

Et dans vne si rude affaire

Refuans à ce qu'ils deuoient faire,

Ne sçauoient sur quel pied danser,

Où pour mieux dire que penser.

Mais apres maintes resueries.

Qui n'estoient pas des singeries:

On conclud, en ce desfarroy,

Que les mesmes sieurs Gens du Roy,

Se transporteroient vers la Reyne,

Qu'ils prieroient de prendre la peine

De leur donner le nom de ceux

Qu'elle estimoit des factieux,

Et dont la criminelle intrigue

Tendoit à faire quelque ligue,

Pour leur estre leur procez fait,

Afin que l'on fust satisfait.

Et que la Maïesté lezée,
Par ce moyen fust appaisée.

Gens du Roy par ce mandement
Se transportent en vn moment
Iusques à S. Germain en Laye,
Où n'attrapèrent qu'yne baye,
Et reuinrent en peu de temps
De leur accueil fort mal contents
Car Sicilienne Eminence
Fit, qu'ils n'eurent point d'Audience;
Et qu'on n'entendit leurs raisons
Non plus que celles des oysons.
Doncques rebutez de la sorte
Et reuenus sans nulle escorte,
A la mercy des garnemens,
Polonois, Basques, Alemands,
Qui, comme des cheuaux d'Espagne,
Couroient desia par la campagne,
Et voloient sur les grands chemins
Tout ce qui tomboit dans leurs mains.
Ils se retirerent en la Ville,
Chacun dedans son domicile,
Ne pouuans aller pour ce iour
Rendre leur responce à la Cour.

Ainsi se passa la iournée,
Et la suiuite matinée
Ils conterent leur traitement
A tres-Auguste Parlement,
Qui sans barguigner dauantage
Voyant bien d'où venoit l'orage
En voulut arrester le cours,
Et par certain petit discours,
Qu'Arrest vulgairement on nomme,
Rendit criminel le pauvre homme,

Appellé Iules Mazarin;
 Qui d'un ieu de Hoc fut parain;
 En declarant son Eminence
 Ennemie de toute la France,
 Perturbatrice du repos,
 Que l'on y goustoit sans imposts.
 Et pour telles raisons & causes,
 Sans faire rapport d'autres choses;
 Luy enjoignit que dans le iour
 Il eust à vuidier de la Cour,
 Et courir, apres la huiétaine,
 Hors de l'Estat la pretantaine:
 Adjoustant, à faute de quoy,
 Enjoint à tous Sujets du Roy
 De courre sus sa fripperie,
 Et le mettre à la boucherie.
 Et defense à qui que ce soit
 De le retirer sous son toict.

Voilà le coup dont la Iustice
 Renuersa le Throsne du vice,
 Qui dessous ses pieds abbatu,
 Tenoit celuy de la Vertu.
 Mais lors qu'il se trouua par terre
 Il se prit à faire la guerre,
 Et tout ce qu'au commencement
 Il faisoit clandestinement,
 Voyant qu'on respiroit sa perte,
 Il le fit par la force ouuerte,
 Et par là fit voir le dessein,
 Qu'il fomentoit dedans son sein.
 Mais comme j'ay peu de memoire,
 Pour raconter toute l'Histoire
 Des combats de nostre Senat
 Avec ce vicieux Prelat :

Et que mon but n'est que de dire
 Quelque plaisant conte pour rire,
 Lors que le ris est superflus
 Je me tais, & ne parle plus.

E I N.

Claud.
 lib. 1.
 in Ruf.

*Iam non ad culmina rerum
 Iniustos creuisse queror. Tollantur in altum
 Ut lapsu graviore ruant.*



